



# Դանիել Վարուժան

## Գուռը

Իրիկվան մեջ, գյուղին քով,  
Կը մըրմընջե գուն ուռիին տակ շըքեղ:  
Չայն կը լեցնե աղբյուրին երգովը բյուրեղ,  
Աստղը՝ բյուրեղ արցունքով:

Խորհուրդին մեջ ըստվերին  
Կընունքի ջինջ ավագան մ'է կարծես ան՝  
Ուր քաղցրորեն կը մըկըրտվի լուսնկան՝  
Տըղու մը պես նորածին:

Հոգնաբեկ խումբն եզներուն  
Հոն կը դիմե արահետեն ճախճախուտ՝  
Ուրկե կը հոսի, ճապաղելով, ջուրն անփույթ՝  
Մարգերուն տակ՝ պըսպըղուն:

Կողեր կողի դեմ ահա՛,  
Եվ գավակներ գավակներու կ'ընդհարին.  
Հանկարծ մոլուցք մ'եղջյուրներու ահագին  
Կը տատանի գուռին վրա:

Միահաղույն կ'երկարեն  
Վիզերն իրենց, և ռունգերնին հարդամած  
Հըստակ ջուրին աղամանդին մեջ մըխած՝

Հավերժորեն՝ կը խըմեն:

Կըմպեն ալիքն անապակ,  
Լույս ծյուրումը պարելաներուն սառնակերտ.  
Ու չե՛ն խըրչտիր լուսնկայեն՝ որ մերթ մերթ  
Կըլողա իրենց բերնին տակ:

Կը վերցընեն երբեմն, հա՛գ,  
Հըզոր գլուխնին, ու կը նային սարերո՛ւն...  
Կը սորսորա իրենց դունչեն՝ քարերուն՝  
Ջուրը, երակ առ երակ:

Անդերդն, հոն, մահակին  
Վըրա կըռթնած՝ կը սուլե երգն հեշտօրոր,  
Մինչև վետ վետ ցամքե հեղուկը բոլոր,  
Մընա մամուն՝ հատակին:

Կերթան հետո, օրորուն,  
Գոմին խաղաղ գավիթին մեջ պատկելու.  
Կը կարկաջե գլուղամեջեն, գերդ առու,  
Չանգակն իրենց վիզերուն:

Ու երբ դարձյալ գան առտուն  
Պիտի գըտնեն հըսկումին տակ ուռիին  
Գուռը նորե՛ն լեցված երգովն աղբյուրին,  
Եվ արցունքովն աստղերուն: